

## **Gairm gu Ùrnaigh: Latha na Sàbaid 24mh dhen Fhaoilleach 2021**

### **Ùrnaigh aig 7f**

Ann an Soisgeul Eòin, rinn Ìosa ùrnaigh airson na feadhna a chreideas ann tro am facal-san, “airson ’s gum bi iad uile nan aon... airson ’s gun creideadh an saoghal” gun do chuir an t-Athair a-mach e. (Eòin 17: 20 - 21). A’ meòrachadh air seo, chì sinn gur e Ìosa Crìosd an t-aon a bhios ri eadar-ghuidhe air ar son mu choinneamh Dhè, agus gur ann troimheasan a bhios sinn a’ tighinn a-steach a làthaireachd Dhè. Abair misneachadh agus fois-inntinn a tha seo dhuinn, gu bheil sluagh Dhè air an cumail beò tro ùrnaighean Ìosa Crìosd.

Tha sinn air ar cuartachadh le ùpraid, easaontachd agus aimhreit. Ann an làithean mar seo, tha sluagh Dhè air an gairm gus fianais a thoirt mu obair-rèite Chrìosd, a thilgeas sìos nam ballachan a sgaras sinn on a chèile. Meòrachamaid air an leasan a tha againn ann an Eòin 17, gu bheil sinn air ar gairm gu bhith nar n-aon “airson ’s gum creideadh an saoghal.”

Dèanamaid ùrnaigh:

A Thighearna ar Dia, is Aon thu,  
agus tha do Mhac ag ùrnaigh gum bi do shluagh mar aon.  
Tha do Mhac ag ùrnaigh air ar son,  
agus tha sinn ag ùrnaigh gun gabh sinn pàirt ann am beatha Chrìosda,  
agus ann an dòchas na h-aiseirighe.  
A Thighearna, na do thròcair,  
èist ri ar n-ùrnaigh.

A Thighearna ar Dia, is Aon thu,  
agus tha do Mhac ag ùrnaigh gum bi do shluagh mar aon.  
Tha do Mhac ag ùrnaigh air ar son,  
agus tha sinn ag ùrnaigh gum bi fios againn,  
gur e buill corp Chrìosda a th’ annainn,  
agus gu bheil sinn a’ com-pàirteachadh san aon Spiorad.  
A Thighearna, na do thròcair,  
èist ri ar n-ùrnaigh.

A Thighearna ar Dia, is Aon thu,  
agus tha do Mhac ag ùrnaigh gum bi do shluagh mar aon.  
Tha do Mhac ag ùrnaigh air ar son,

agus tha sinn ag ùrnaigh gum bi fios againn gur esan ar sìth,  
agus gu bheil e air ballachan ar sgaraidh a thilgeil sìos.  
A Thighearna, na do thròcair,  
èist ri ar n-ùrnaigh.

A Thighearna ar Dia, is Aon thu,  
agus tha do Mhac ag ùrnaigh gum bi do shluagh mar aon.  
Tha do Mhac ag ùrnaigh air ar son,  
agus tha sinn ag ùrnaigh gum bi fios againn gun deach ar rèiteachadh ri Dia,  
agus gu bheil dleasdanas oirnn rèiteachadh a lorg ri ar co-chreutairean.  
A Thighearna, na do thròcair,  
èist ri ar n-ùrnaigh.

A Thighearna ar Dia, is Aon thu,  
agus tha do Mhac ag ùrnaigh gum bi do shluagh mar aon.  
Tha do Mhac ag ùrnaigh air ar son,  
agus tha sinn ag ùrnaigh gum bi do shluagh mar aon,  
airson 's gun creideadh an saoghal.  
A Thighearna, na do thròcair,  
èist ri ar n-ùrnaigh.

Soidhnichte:

An Ceart Urramach Màrtainn Fair, Moderàtor Àrd-Sheanadh Eaglais na h-Alba

Am Fìor Urramach Leo Cushley, Àrd-Easbaig Chill Rìmhinn agus Dùn Èideann

Am Fìor Urramach Marcus Strange, Primus as leth Colaiste nan Easbaigean,

Eaglais Easbaigeach na h-Alba

An t-Urramach Iain Fulton, Moderàtor, Eaglais Shaor Aonaichte na h-Alba

An t-Urramach Lindsey Sanderson, Moderàtor, Eaglais Ath-Leasaichte

Aonaichte (Alba)

An t-Urramach Màrtainn Hodson, Àrd-Stiùiriche, Aonadh Baisteach na h-Alba

An t-Urramach Marcus Slaney, Cathraiche Roinn-Dùthcha, Eaglais nam

Methodach (Alba)

An t-Urramach May-Kane Logan, Cathraiche, Caidreachas Co-thionalach ann an

Alba

Lt. Col. Carol Bailey, Rùnaire na h-Alba, Feachd na Slàinte

Adwao Bittle, Comann nan Caraidean (Cuagairean)

An t-Urramach Claire Fender, Àrd-Neach-Stiùiridh Roinn-Dùthcha, Eileanan

Bhreatainn, Eaglais an Nàsaraich

Aoghaire Chris Gbenle, Aoghaire Roinn-Dùthcha, Mòr-Roinn na h-Alba, Eaglais

Chrìosdal air Saoradh le Dia

Easbaig Francis Alao, Eaglais Dhè (Alba)/ Eaglaisean nam mìon-shluagh còmhla  
ann an Alba (MECTIS)

An t-Urramach Fred Drummond, Stiùiriche, Caidreachas Soisgeulach (Alba)